

**UNIVERSITY OF SARAJEVO
FACULTY OF SCIENCE**

Broj: 01/01-1530/8-2016
Sarajevo, 11.07.2016. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-1530/7-2016 od 11.07.2016. godine, u otvorenom postupku nabavke roba – Laboratorijska oprema LOT 4 – Laboratorijska oprema za pripremu vode, Dekan Prirodno-matematičkog fakulteta Univerziteta u Sarajevu je donio

ODLUKU
o izboru najpovoljnijeg ponuđača
u otvorenom postupku za dostavu ponuda

Član 1.

Prihvata se Preporuka Komisije za nabavke, broj: 01/01-1530/7-2016 od 11.07.2016. godine i ugovor za nabavku roba – Laboratorijska oprema LOT 4 – Laboratorijska oprema za pripremu vode dodjeljuje se ponuđaču **Semikem d.o.o. Sarajevo**, za ponuđenu cijenu **616,00 KM bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **Semikem d.o.o. Sarajevo**, po proteku roka od 15 dana, računajući od dana kad je ponuđač obaviješten o izboru najpovoljnije ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno s upućivanjem ponuđaču koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/01-1364/1-2016 od 01.06.2016. godine.

Javna nabavka je provedena putem otvorenog postupka za dostavu ponuda. Procijenjena vrijednost javne nabavke za Laboratorijsku opremu LOT 4 - Laboratorijska oprema za pripremu vode bez PDV-a je 2.000,00 KM.

Obavijest o nabavci broj: 654-1-1-133-3-4/16 poslata je na objavu dana 01.06.2016. godine i istog dana je objavljen na Portalu javnih nabavki, a u Službenom glasniku BiH br. 41 objavljeno je 03.06.2016. godine.

Komisija za nabavku imenovana je Odlukom broj: 01/01-1364/2-2016 od 01.06.2016. godine.

Dana 11.07.2016. godine Komisija za nabavku dostavila je Zapisnik o pregledu i ocjeni ponuda kao i Izvještaj sa preporukom komisije o izboru najpovoljnijeg ponuđača za nabavku roba - Laboratorijska oprema za LOT 4 - Laboratorijska oprema za pripremu vode.

Utvrđeno je da je Komisija za nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: četiri i to od ponuđača: Semikem d.o.o. Sarajevo, DIT d.o.o. Tuzla, EUROLAB d.o.o. Bijeljina i Analitika d.o.o. Sarajevo, te da su iste blagovremene i da su tri ponuđača dostavili dokumente u skladu sa tenderskom dokumentacijom.

Komisija za nabavke je prilikom pregledanja ponuda uočila da je ponuđač EUROLAB d.o.o. Bijeljina dostavio Izjave o ispunjenosti uslova iz članova 45., 47. i 52. Zakona o javnim nabavkama Bosne i Hercegovine, međutim iste nisu potpisane od strane ponuđača, niti su ovjerene kod nadležnog organa (Izjava o ispunjenosti uslova iz člana 45. i 52. Zakona o javnim nabavkama Bosne i Hercegovine) kao što je bilo naznačeno u tenderskoj dokumentaciji.

Također, ponuđač nije dostavio kopiju potvrde Centralne banke Bosne i Hercegovine da račun nije blokiran u posljednjih šest mjeseci kao što je bilo naznačeno u tenderskoj dokumentaciji tački 13. Ostali uslovi za kvalifikaciju.

Ponuđač EUROLAB d.o.o. Bijeljina je dostavio kopiju potvrde NLB Banke a.d. da račun nije blokiran u posljednjih šest mjeseci, što nije u skladu sa tenderskom dokumentacijom i tačkom 13. Ostali uslovi za kvalifikaciju i kao takva ponuda nije uzeta u daljnje razmatranje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-1530/7-2016 od 11.07.2016. godine, navedena ponuda ispunjava uslove u skladu sa tenderskom dokumentacijom otvorenog postupka i smatra se prihvatljivom, te je na osnovu toga sačinjena rang lista:

Rang lista ponuđača

R.br.	Naziv/ime ponuđača	Ponuđena cijena (bez PDV-a)
1.	Semikem d.o.o. Sarajevo	616,00 KM
2.	Analitika d.o.o. Sarajevo	1.300,00 KM
3.	DIT d.o.o. Tuzla	4.449,61 KM

Dopisom, broj: 01/01-1530/2-2016 od 27.06.2016. godine zatraženo je mišljenje stručne osobe, koja je pripremala specifikaciju za predmetni lot da dostavi mišljenje da li ponuđeni predmet nabavke odgovara specifikaciji i da li su ekvivalentni predmetu nabavke. Mišljenjem, broj: 01/01-1530/3-2016 od 30.06.2016. godine je konstatovano da ponuđači Semikem d.o.o. Sarajevo i Analitika d.o.o. nude ekvivalent, koji u potpunosti odgovara predmetnoj specifikaciji, a ponuđač DIT d.o.o. Tuzla je ponudio sistem za reverznu osmozu, jonoizmjenjivačkom kolonom, odnosno iznad onoga što je traženo. tj. ponuđeni ekvivalent ne odgovara traženom sistemu za demineralizaciju sa konduktometrom.

Komisija je konstatovala da je ponuđena cijena nabavke ponuđača Semikem d.o.o. Sarajevo niža za više od 20% od cijene drugorangirane prihvatljive ponude ponuđača Analitika d.o.o. Sarajevo.

U skladu sa članom 66. Zakona o javnim nabavkama Bosne i Hercegovine („Sl. glasnik BiH“, broj: 39/14) i člana 17., stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj: 90/14) zatraženo je dopisom broj: 01/01-1530/4-2016 od 30.06.2016. godine pismeno obrazloženje ponude od ponuđača Semikem d.o.o. Sarajevo.

Dana 01.07.2016. godine ponuđač Semikem d.o.o. Sarajevo je dostavio odgovor sa obrazloženjem da je generalni zastupnik firme Hecht-Njemačka i da zbog dugogodišnje saradnje sa dobavljačem dobija specijalne popuste za tenderske ponude. Uvažavajući obrazloženje ponuđača Semikem d.o.o. Sarajevo, Komisija za nabavke je konstatovala da ne postoje elementi neprirodno niske cijene.

Shodno navedenom, Komisija je prema utvrđenom kriteriju najniže cijene dala preporuku da se u predmetu nabavke **Laboratorijska oprema - LOT 4 Laboratorijska oprema za pripremu vode** donese **Odluka o dodjeli ugovora ponuđaču Semikem d.o.o. Sarajevo**, čija cijena ponude iznosi 616,00 KM.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Dokaze o kvalifikaciji izabranog ponuđača, isti je dužan dostaviti u roku od 6 (šest) dana od dana dostavljanja Odluke o izboru najpovoljnijeg ponuđača.

Pouka o pravnom lijeku:

Protiv ove odluke može ce izjaviti žalba, najkasnije u roku od 10 (deset) dana od dana prijema ove odluke.

DEKAN FAKULTETA

Prof. dr Rifat Škrijelj

Dostaviti:

- Ponuđaču: **Semikem d.o.o. Sarajevo**
- Ponuđaču: **DIT d.o.o. Tuzla**
- Ponuđaču: **EUROLAB d.o.o. Bijeljina**
- Ponuđaču: **Analitika d.o.o. Sarajevo**
- Dosije nabavki
- a/a